



Vitigis humili loco natus, uerum insigni corporis & animi fortitudine præditus fuit. Itaque Ostrogothi eum in rebus periculosissimis sibi regem creant, atq; Theodatum repudiant. Propterea Vitigis assumpto regno Optarim cum expeditionissimo equitatu cōtra Theodatum misit, is Theodatum Rauennam festinantem assequitur & interfecit. Atq; hac ratione desidiosus rex meritas pœnas luit, ob Amalafuntham Theodorici Veronensis filiam, prudentissimam reginam interfectā. Postea Vitigis Romam ingressus, Sylueriū pōtificem Senatum, & populū Romanum multis uerbis est adhortatus, ut in fide perseuerarent, testatus Gothos hæcenus plurima beneficia Romanis contulisse. Theodorici etiam optimi regis memoriā ipsis inculcauit, ita ut si grati essent, meritō omnia Gothorum nomine præstarent. Postea quatuor millibus Gothis ad urbis præsidium relictis, ipse Roma profectus est, ut quicquid Gothorum in Italia esset, in unū contraheret. Quam primum uerō Rauennā peruenit, Mathaluntham, Amalafunthæ filiam & Theodorici neptem, sibi matrimonio iunxit. Cum autem regia puella eius ignobilitatem aspernaretur, ipse maximo apparatu nuptias celebrauit, ut uirginis animum præsentī mœore leuaret. Nihilominus tamen contra Casarianos bello comparando intentus erat, & undiq; copias, arma, & equos colligebat. Dum hæc alibi fiebant, Belisarius Iustiniani Imperatoris dux ex Neapoli Romam peruenit, & Romanos ad defectionem sollicitauit, à quibus etiā magno studio in urbē acceptus. Vnde eodē die cum Belisarius per Asinariā portā ingrederetur, Gothi per Flaminiā sub fide publica egressi sunt. Postea Belisarius ad finitimas urbes recipiendas suos duces emisit, atq; ipse Romam ualidis fossis, & propugnaculis muniuit,